

OKVIRNI SPORAZUM
za sukcesivnu nabavku pogonskog goriva za potrebe
Ministarstva unutrašnjih polova Kantona Sarajevo

Strane u okvirnom sporazumu:

- 1. Ministarstvo unutrašnjih poslova Kantona Sarajevo**, ulica La Benevolencije broj 16, koje zastupa ministar, Admir Katica (u daljem tekstu: Kupac) i
- 2. "GREEN OIL" d.o.o. Sarajevo**, ulica Marka Maruluća broj 4, ID broj 4200851420006, koje zastupa direktor Reko Muhović (u daljem tekstu: Prodavac)

Strane u okvirnom sporazumu saglasno konstatuju:

- da je u skladu sa Zakonom o javnim nabavkama ("Službeni glasnik BiH", broj 39/14,59/22 i 50/24) proveden je otvoreni postupak za nabavku pogonskog goriva za potrebe Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 2 (dvije) godine;
- Nabavka je izvršena putem otvorenog postupka, a na osnovu Odluke broj 04-1-11-4-1176 od 12.02.2025. godine i Obavještenja o nabavci broj 1364-1-1-39-3-37/25 od 04.03.2025. godine
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi Dobavljača broj 44-03/25 od 25.03.2025. godine.

Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci pogonskog goriva za potrebe Ministarstva unutrašnjih poslova Kantona Sarajevo, a u skladu sa uslovima iz tenderske dokumentacije, ponudom Dobavljača i izvještaja o toku i završetku e-aukcije od 10.04.2025. godine, odredbama ovog Okvirnog sporazuma i stvarnim potrebama Kupca.

Količine navedene u u specifikaciji su okvirne i vrijede za vrijeme trajanja okvirnog sporazuma

Član 2.

Ukupna vrijednost ovog okvirnog sporazuma nakon provedene e-aukcije iznosi bez PDV-a i sa taksom 85.017,40 KM (osamdesetpethiljadasedamnaest i 40/100 KM).

Ugovorena cijena uključuje, pored navedenog i sve zavisne troškove.

Cijene su nepromjenjive sve dok Federalno ministarstvo trgovine ne odobri promjene cijena naftnih derivata. U slučaju promjene cijene Prodavac se obavezuje dostaviti važeći Obrazac o promjeni cijena Federalnog ministarstva trgovine.

U slučaju promjene cijene Prodavac se obavezuje da će uz fakturu dostaviti važeći Obrazac o promjeni cijena Federalnog ministarstva trgovine, u tom slučaju na cijene iz OPC-a će se primjenjivati procenat umanjenja cijene ostvaren na e-aukciji (5,48%).

Plaćanje će se vršiti po ispostavljanju petnaestodnevnihi faktura, prema važećem OPC-u.

Član 3.

Nakon zaključenja okvirnog sporazuma, Kupac će zaključiti pojedinačne ugovore o javnim nabavkama.

Pri zaključivanju pojedinačnih ugovora, ne mogu se mijenjati bitni uslovi iz ovog okvirnog sporazuma.

Član 4.

Kupac će ugovorenu cijenu, plaćati u roku od 30 (trideset) dana po dostavljanju fakture.

Član 5.

Prodavac se obavezuje da će isporuku vršiti sukcesivno prema zahtjevu kupca, a u skladu sa potrebama kupca, a isto će biti definisano pojedinačnim ugovorom o javnoj nabavci koji zaključuje Ugovorni organ i Dobavljač, u skladu sa ovim okvirnim sporazumom.

Član 6.

Prodavac se obavezuje da ugovorenu obavezu izvrši u svemu prema tehničkoj dokumentaciji, propisima, standardima i normama kvaliteta, zakonskim i pozakonskim aktima koji važe za vrstu usluga koje su predmet nabavke.

Član 7.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Ovaj okvirni sporazum, se zaključuje na period od 2 (dvije) godine ili konačne realizacije finansijske vrijednosti sporazuma, a stupa na snagu danom obostranog potpisivanja.

Član 9.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 10.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

PRODAVAC
„GREEN OIL“ d.o.o. SARAJEVO

direktor
Reko Muhović

Broj: 109-06-05
Datum: 19.05.2025. godine



Broj: 04-1-11-45-1176-6
Datum: 29.05.2025. godine